



Nuuk, 12. oktober 2012

Inatsisartut suleriaasiat § 37 imm. 1. aallaavigalugu Naalackersuisunut apeqquteqaatit:

1. **Meeqqat inuusuttuaqqallu ulloq unnuarlu angerlarsimaffinut inissinneqartussat ullumikkut qassiuppat aammalu qassit utaqqisinneqarpat? Qassinik ukioqarneri aamma paasisaqarfigerusunnarput.**
2. **Nunatsinni Meeqqat inuusuttuaqqallu ulloq unnuarlu tamakkiisumik nunatsinni aammalu oqaaseqatiminnik sullinneqarnissaat pingaartillugu inissiivissaqartinniarneri Naalackersuisut suliniuteqarnertik qanoq politikkeqarfigaat?**
3. **24-t utaqqisinneqarneragaasut inissinnissaat pillugu suliniutit qanoq ingerlanneqarpat?**
4. **Tamarmik inissinneqassagunik sumi qaqugulu inissinneqassappat?**
5. **2009-mit Qallunaat nunaannut inissinneqartut qassiuppat?**
6. **Umiarsuaaqqap "Tugdlik"-iup matuneqarnerata kingunerisaanik Qallunaat nunaannut inissinneqartut qassiuppat?**
7. **Qallunaat nunaannut inissiiniartarnerit unitsinniarlugit Naalackersuisut qanoq pilersaaruteqarpat?**
8. **Nunatsinni inissiiffiusinnaasut pillugit qanoq ammatigisumik kommunit aammalu Kanukoka suleqatigineqarpat?**

(Inatsisartuni ilaasortaq Ruth Heilmann, Siumut)

Tungavilersuut:

Ulluni kingullerni ulloq unnuarlu angerlarsimaffinni meeqqat inuusuttuaqqallu inissinneqarnissaminnik utaqqisinneqartut 24-iuneragaasut ilaasa Kangerlussuarmi inissinneqarnissaat maanna Naalackersuisut suliarerpaluppaat.

Aamma Kommunimit Kujallermit meeqqat pingasut qallunaat nunaannut inissinniagaanerat kommunini isumaginninnermi pisortaasut aammalu kommunalbestyrelsemi ilaasortaasut naammaginngikkaat tusagassiutitigut tusarparpara.

Aamma "Tugdlik"-iup matuneranit qallunaat nunaannut inissitat qanoq atugaqarneri itinerusumik paasisaqarfigissallugit piffissanngorsorinarpoq taamaattumik imatut ittut apeqquteqaatikka ingerlatippakka.